

**INFO****Majlis Sukan Universiti Malaysia**

- Bermula pada 1974 di atas inisiatif pegawai sukan universiti ketika itu untuk mengadakan pertandingan sukan dalam kalangan kakitangan universiti tempatan.
- Pemangkin pembangunan sukan di antara universiti tempatan. Pada 1975 pengurusan sukan antara pelajar universiti mula diadakan sehingga kini.
- Pada 1981, Gabungan Universiti Malaysia (GUM) ditubuhkan hasil inisiatif Timbalan Naib Canselor, Hal-Ehwal Pelajar, Institusi Pengajian Tinggi Awam (IPTA) ketika itu.
- Pada 1983, nama GUM telah di tukarkan ke Majlis Sukan Universiti dan Institut Pengajian Tinggi Malaysia (MASUPTIM).
- Pada 1985, nama MASUPTIM ditukar secara rasmi dan dinamakan Majlis Sukan Universiti Malaysia (MASUM).

• Info lanjut [www.masum.org.my](http://www.masum.org.my)



**SAAT** penting ketika acara larian berganti.

# PENTAS SISWA PAMER BAKAT

UPM **MY KOMUNITI**  
ungguli  
acara trek  
sementara  
UM gah  
di kolam  
renang  
pada  
MASUM

Nurul Husna Mahmud  
[nurul\\_husna@metro.com.my](mailto:nurul_husna@metro.com.my)

**Kejohanan** Olahraga dan Renang Majlis Sukan Universiti Malaysia (MASUM) menjadi platform mengasah bakat siswa mahupun siswi beraksi di pentas sukan tempatan mahupun antarabangsa.

Malah ada antara atlit yang mewakili institusi sudah menempah nama di persada sukan kebangsaan. Namun, itu bukan alasan untuk mereka beraksyi lewat sebaliknya melihat kejohanan ini sebagai ruang menebus kegagalan dalam kejohanan lalu.

Kejohanan yang berlangsung di Universiti Perguruan Sultan Idris (UPSI) Tanjung Malim Perak baru-baru ini memperlihatkan jagoan Universiti Putra Malaysia (UPM) dan Universiti Malaya (UM) mengungguli senarai pendahulu dalam

## MENGUBATI KEKECEWAAN

Skuad olahraga UPM cemerlang dengan diketuai pelari pecut 'wildcard' Olimpik Rio 2016, Zaidatul Husniah Zulkifli, 23.

Katanya, kemenangan dalam temasya ini mengubati kekecewaannya pada Terbuka Malaysia lalu apabila berjaya menyapu tiga emas dalam acara 100

## BERSEDIA untuk acara kuak rentang.



meter (m), 200m serta 4 x 100m.

"Kejayaan ini mengubati kekecewaan saya yang terlepas pingat emas kepada S Komalam (Shally) dalam 100m di Terbuka Malaysia seminggu yang lalu.

"Ini akan menjadi pembakar semangat untuk pelapis bakal membarisi skuad olahraga UPM agar dapat mengkalkan rekod baik pada kejohanan tahun akan datang," kata pelari kelahiran Kuala Nerus itu yang melepassi pusingan kedua kelayakan di Brazil.

## STRATEGI TIGA Lapis

Menurut ketua jurulatih, Khairul Zaini Zainan pasukan UPM yang membariskan 34 atlet mengusai acara olahraga dengan pungutan 19 emas,

lapan perak dan tiga gangsa hasil program jangka panjang yang menyaksikan ia mendominasi sukan itu sejak 1997.

**SUASANA ceria menghiasi ketika malis penyampaian pingat.**

"Sebenarnya ramai atlet kami mengalami kecederaan semasa menyertai Terbuka Malaysia pada minggu lalu, namun ketiadaan mereka

tidak begitu dirasai berikutan kehadiran atlet pelapis kebangsaan dan universiti.

"Kami melaksanakan strategi tiga lapis dengan

menyediakan tiga kategori atlet iaitu senior, pelapis kebangsaan dan pelajar

yang dicungkil bakat daripada kejohanan sekitar kampus bagi memastikan kelangsungan program olahraga di kampus," katanya.

## DOMINASI RENANG



FOTO: International & Corporate Relations (ICR) UPSI

Kejohanan yang berlangsung di Kompleks Sukan Kampus Sultan Azlan Shah UPSI itu turut menyaksikan UM mendominasi acara renang dengan 28 emas, lapan perak dan 12 gangsa.

Ketua kontingen, Norsham Abdullah menyifatkannya sebagai pencapaian terbaik buat kontingen UM yang ditaris 15 atlet renang.

"Satu pencapaian terbaik apabila kami berjaya menyapu sebahagian besar pingat ditawarkan dalam kategori dipertandingan. Kami berharap prestasi ini dapat dikekalkan untuk kejohanan akan datang."

"Dalam pada masa sama, kami berharap ia akan menjadi pembakar atlet membarisi kontingen untuk terus memberikan prestasi terbaik, baik kejohanan peringkat universiti maupun luar," katanya.

Hadiyah disampaikan Setiausaha Agung MASUM, Mustaza Ahmad.



**AKSI** menarik acara balapan.



**AKSI** sukarelawan bertindak pencatat masa.



**MAJLIS** penyampaian hadiah.